



数据加载失败，请稍后重试！

四庫全書存目叢書編纂委員會編

齊魯書社

四庫全書存目叢書

史部
第五六冊



責任編輯：孫言誠 賀 偉

ISBN 7-5333-0535-3



9 787533 305352 >

2007/14

四庫全書存目叢書·史部五六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 54.375 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第五六冊目次

史部·雜史類

見聞隨筆二卷

〔清〕馮鈺撰

北京大學圖書館藏清嘉慶道光間臨海宋氏刻台州叢書本

一

安南使事紀要四卷

〔清〕李仙根撰

北京圖書館藏清鈔本

七九

交山平寇本末三卷附詳文一卷書牘一卷詩一卷

〔清〕夏駟撰

復旦大學圖書館藏清康熙刻本

一一八

平閩紀十三卷

〔清〕楊捷撰

中國科學院圖書館藏清康熙二十二年世澤堂刻道光十年印本

二〇五

武宗外紀一卷

〔清〕毛奇齡撰

清華大學圖書館藏清康熙刻西河合集本

六一五

後鑒錄七卷

〔清〕毛奇齡撰

清華大學圖書館藏清康熙刻西河合集本

六二八

封長白山記一卷

〔清〕方象瑛撰

清華大學圖書館藏清康熙刻昭代叢書本

六八四

二申野錄八卷

〔清〕孫之騷輯
天津圖書館藏清初刻本

.....

六八八

衡湘稽古五卷

〔清〕王萬澍撰
中國科學院圖書館藏清乾隆王國牧刻本

.....

八〇九

見聞隨筆二卷

〔清〕馮楚撰

北京大學圖書館藏清嘉慶道光間臨海宋

氏刻台州叢書本

附《四庫全書總目·見聞隨筆

二卷》提要

重刻見聞隨筆叙

同邑馮再來侍郎見聞隨筆二卷臚宦轍之睹聞與
館之甄擇淋漓烟楮感慨滄桑余讀是書而不禁有然
也夫以黑灰告劫朱社將移識已兆於萬孫朕願與
八隊闖獻糾烏合之眾跡起揭竿逞狼噬之心坐看移
鼎論殺掠則巢權無此慘論成就則勝廣無此奇當夫
殺氣騰雲妖氛掩日九州有破竹之勢千里無寸草之
留功在垂成毒伊胡底泊乎九宮碎首一箭穿胸一轉
瞬之頃一舉手之力遂能制其死命殲厥渠魁固知脩
羅塵劫之難逃抑亦

見聞隨筆

叙

一

重梓

聖朝掃除之所假也而一時螳奮孤臣蛙張義士曉
已落猶揮薄暮之戈棟宇全傾尚挾孤撐之柱顧穆王
以安在三千士盡化蟲沙名田橫而不來五百人甘投
鯨島自外僉山之玉帛屢煩因壘之干戈若何 勝 堽 堵
免錫 罷 式 郭 沐 天 波 諸人跋履偏隅支持殘局一身似
葉萬死如飴愚公則志在移山精衛則意猶填海斜封
敕朕呼狗脚之時朱履藍袍臣抱龍髯之慟張睢陽
城切齒那知石爛天枯馬伏波荒微衰尸不避蠻烟
雨良以詩書夙習茅土世承一擔綱常千秋名教忠
所事分有固然彼李定國者本逆賊之爪牙醜形天

之面目乃能幡然改正盡焉勤王目不知書心惟報國
綱岸已覆猶奉塊肉於一君懷慙不還終効捐軀於九
姓填魑魅之鄉而不悔竭犬馬之力而不辭志節如甲
包胥心跡如張世傑亦可見桑榆之非晚松柏之有真
矣而是書獨能挈其綱維析其顛末長蛇封豕徵往事
於前車膽水殘山語遺踪於半壁以云秘笈誰曰不然
載付鐫梨我遑敢後爰取家藏鈔本與友人郭石齋
黃鈔本徐煦蒼青刻本殘帙付門人彭雲臣項巖一士
互校一過而梓之司鈔錄者兄子興洲例得附書時
嘉慶二十有一年歲在柔兆困敦夏四月哉生明文林
見聞隨筆 二 臨海宋氏
郎知陝西鳳翔府扶風縣事臨海宋世榮撰



見聞隨筆序

年家眷同學弟何紱度拜託

從來有天下者變起於奸佞之擅權釀成於寇賊之流
毒竟至沉迷傾覆而莫能挽而有明末季可鑒代爲挽
之者其中意見之異同邪正之向背疑忌之交作罷辱
之介懷而有明末季可鑒閱吾友司寇公再來所載闢
獻醜情比比皆然性殘暴殺人則爲斯世禍胎焉永興
之戴歎不君矣又續及何堵諸忠節雜傳譬則白日既
移鄰光微映往瀾已倒治水仍浮俾聞之者規勸其立
法深且遠也孔子筆削春秋大旨存善惡惡凡子奪
見聞隨筆 序 一 臨海宋氏
征討借天子之權以申天子之令故春秋治世之意乃
亂世之資也天當明末兩渠作難蹂躪城池開
聖朝景命於前肇慶僭號緬甸歸俘大一統規模於後
故見聞錄亂世之意乃治世之資也紀事以循其實駁
難以正其差沿流以議其失尋源以窺其得豈徒攤揚
雲霧崢嶸飛走倭一時瀏覽已哉再來幼業帖括便肆
力於遷固諸史氏且畱心時政野衛民生利病安危未
嘗不扼腕再四同學以大丈夫子期及官滇南循卓盡
職滇山川險易風俗淳澆戶口盈縮兵賦加汰人物隱
顯從郡邑志外傳所未傳論所未論歷有演攷諸編校

人耳目夥矣地聯楚豫秦蜀黔粵一切搜究周悉興來
赤壁感入華亭佳澤喜銷太叔之兵竹書看發安釐之
家得巨孽黨與勝國子孫細蹟顛末握管而條縷之贊
助史局裒益舊聞功非纖淺時宗伯葉公總裁明史知
再來之履斯地熟諳斯實事也至司寇署諮訪諄篤口
談手授上堪藏諸石室蘭臺迄今梓示里社同人下亦
無取釋官野說雖然吳李札聘魯博通先朝典故識者
稱其閱覽洽聞賢於子產叔向輩素知有文獻也由滇
及楚豫秦蜀黔粵人出于戈擾攘後敦禮樂通書軌再
來於文獻竊幸徵之足矣

見聞隨筆

序

工

臨海朱氏
重梓

見聞隨筆叙

西河後學毛奇齡大司氏撰

見聞隨筆者司寇馮先生所著書也其一卷爲兩渠傳
所紀閭閻始末自起迄敗以爲凡有國者所鑒戒而兩
賊分列較尤詳於獻賊入蜀暨夔東割據以後蓋是時
神州陸沉天下之能言其事者寡矣會

天子開館脩前代史書 詔徵獻賢所記識者在京朝
大小了無一應獨先生所著哀然捆載爲一時所未有
夫西南之變亂極矣自茶陵喪師蠶叢失守益南萬里
喋血者數十年而先生筮仕適當其地由郡讞以至開

見聞隨筆

叙

一

臨海朱氏
重梓

府中間所歷瀾滄路賸山川風俗傍及古今興喪得失
之故無不摭其前聞而驗所近見卽記載博會必從考
覈辨定以取傳信故先生之書其爲前史所取資者叢
舊無算而是書其一也予承乏史職闔題給札適得土
司途 諸傳因獲盡讀先生所著書知先生留心國事
所在 諸凡廟算曲直戎律脩短地勢險險技擊疏
覈無纖堅囑傳發紆促軒軒乎瞭若指掌至若野稗之
訛舛評騭之偏頗抑何其考晰不憚煩也自漢唐迄明
代有盜賊劫不過販鹽撒豆呼狐盜驢如刀子都瓜田
穢許生呂毋以建青嶺自騎長垣冤句之謹究之竊地

僭號貽禍數世亦云已劇然未有琢喪人國痛毒萬姓
裸屍骨肉屠殲脂卵如禽鴟草薶焚山竭澤似此甚者
比本猶蜚以來一大混沌而廢廟乏策閭閻失制一切
簡稽摺擬號失撫奮不早爲撲滅坐致此極而中外大
小合一時帖括之士且暮以門戶齟齬信信嗷嗷以至
於敗亡而徒使有志君子把筆函連咨嗟感嘆而究無
如之何也後之讀之者可以興矣

見聞隨筆

叙

二

臨海朱氏
重梓

見聞隨筆卷之一

臨海馮 甦再來著

明末兩渠賊傳序

凡一朝之興無不訪求前代事實以推論其興衰之由
匪徒開成令鎮足備儀型即在傾覆前車亦資懲誡故
曰鑒於有夏鑒於有殷又曰殷鑒不遠在夏后之世由
來尚矣明有天下幾三百年而卒亡於流賊當武廟時
劉六趙風子之流屠毒兇豫幾成燎原以祖宗遺澤尚
存旋卽撲滅至神宗倦勤紀綱廢弛重以嗣君短祚孫
謀不臧閹宦擅權正人誅斥崇禎初年寇盜蠭起漸至
三十六營七十二營之多竭天下之力以圖之隨息隨
熾迨開縣告敗洛城不守自成獻忠分擾江河南北而
明以亡焉蓋天下治久必亂亂必有所釀以成亂極必
治治必有所因以致禍亂之生皆天之所以開聖人也
當神宗中年我

太祖皇帝龍興遼水景命有僕

太宗皇帝嗣之以寬仁遠近向附語曰不有所廢將何
以興然則明之亡非自成獻忠之能亡之乃天命有歸
特產二寇爲之驅除禍難耳雖然運數去留固由天命
亦寧非人事哉甦生長東南聞流賊之爲禍思得觀其

事實遊蹟所至每與楚豫秦蜀士大夫遊悉心咨訪記之篋笥他及郡志野史坊歌巷說咸爲辨其真僞核其先後稍加詮次爲自成獻忠傳二篇其于二寇盛衰勝負之故次第可考而一時朝廷用舍之是非封疆勦撫之得失亦互見於其間焉溯自常侍罷而大賢良師之故典阿父專而衝天將軍之亂起後世推原禍始孰豈無所逃其誅若懷宗之摧殛巨奸孜孜求治初非有羶山之役江都之遊足召大澤瓦岡之變也唯知人未明責效太急俾折衝禦侮之臣無復効謀國久遠之忠而爭爲目前迎合之計于是露布時聞陳徒尚聚受降纛

見聞隨筆

卷上

二

重刊宋氏

築烽急隨傳日積月深遂不可救亦未始非廟算之失也今我

皇上心存鑒古辟召字內詞臣發秘笈搜遺聞記載討論昭垂法戒鑒之雲璈合奏何藉孤絃函牛大烹寧須片鱗然而兵燹之餘載筆者寡傳聞異詞甦之此傳非敢希藏之名山聊以備作者之採擇云爾且聞

世祖皇帝定鼎燕京首嘉殉國諸臣錫之爵諡而在外守職不撓身膏鋒鏑者多淹沒不傳篇中詳爲採錄揆之封干表容贈通祀闕之義固當世所樂聞也因并序而存之

李自成傳

李自成米脂人小字禮生居懷遠堡之李繼遷寨父李守忠娶金氏無子既以姪李自立爲嗣矣禱於華山神夢神告之曰以破軍星爲若子而生自成父母異之呼爲皇來兒時明萬歷三十七年八月二十一日已刻也少不事事喪父爲酒家傭日沈醉主者逐之業鋸又不成爲人耕枕耒而卧年二十餘執役銀川驛時關中連歲饑軍餉缺額積一百三十八萬復以科臣請裁驛站銀充餉自成益無賴嘗通著姓艾子母錢屢被箠執數犯法邑令晏子賓械而遊于市妻韓氏故娼也與縣役

見聞隨筆

卷上

三

重刊宋氏

蓋君祿通自成殺淫者與姪李過亡命投甘督梅之煥部下參將王國爲兵國奉調過金縣兵譁自成縛縣令索餉并殺國遂反是時宜川王左挂神木王嘉允靖邊神一元接踵起延安各立名號安塞人高迎祥者於自成爲甥舅亦糾逃兵飢民爲亂自號闖王自成往從之有八隊闖將之目八隊者一隊眼錢兒二隊點燈子三隊李晉王四隊蝎子塊五隊老張飛六隊亂世王七隊夜不收八隊李自成也名不甚著崇禎三年庚午今大清天聰之四年也賊王嘉允由府谷清水走山西總兵王國梁兵敗死嘉允遂據河曲其明年辛未總兵曹

文詔等復河曲嘉允南走至陽城被殺僞左丞白玉柱降右丞紫金梁糾合眾賊爲三十六營而闢王閼將與八大王張獻忠等皆與焉由三晉犯畿南擾河北曹文詔左良玉李卑鄧玘等擊之屢敗屢遁癸酉六月鄧玘射紫金梁殲之十一月二十四日羣賊于澠池乘水渡河入盧氏山中南走楚境鄧西上津俱破甲戌春連破襄荊各屬邑遂入蜀總督陳奇瑜鄧撫盧象昇會兵追之賊竄漢興自成等遁入興安之車箱峽四山巉立中互四十里居民從其顛顛大石擊賊又投以炬火走路既絕夏大雨賊弓矢俱脫馬乏芻死者過半自成窘

見聞隨筆 卷上 四 臨海宋氏 重梓

甚其黨顧君恩曰吾輩萬里掠婦女輜重坐困窮山中何不以之遠餌羣帥佯降而狡焉以遁也眾然之遂因奇瑜左右奸弁以請奇瑜許之籍醜黨凡三萬六千人上軍門勞遣解散既出棧道復殺掠連破麟遊等七縣令昌陽世冠之別賊自略陽來合分趨長平鄆涇間踰鞏平涼俱告奇瑜歸過秦撫練國事亦言奇瑜縱賊俱被逮八月自成破隴州知州胡爾純不屈死參將賀人龍亦米脂人救隴被圍自成令其黨高傑賂書約人龍俱反不報圍城久不拔自成疑傑令傑歸老營守虜自成後垂那氏掌軍資賊日支糗糧鎧仗輻輳

氏營分合符驗氏偉傑親因與之私恆恐自成覺謀降未定也遂遣洪承疇從甘鎮還聞人龍急自平涼遣左光先等帥師出華亭救之以九月抵隴州賊眾解去明懷宗以承疇奇瑜督秦晉楚豫蜀五省兵會剿賊分爲三一向寧陽一趨鄧襄一出關赴河南連陷陳州靈寶盧氏泃水等縣乙亥春會於漿陽者七十二營而迎祥獻忠與老猗猗革里眼左金王曹操改世王射塌天橫天王混十萬過天星九條龍順天王等十三家爲首議所向老猗猗欲渡河北入晉獻忠以爲怯面晒之猗猗怒自成解之曰吾兵且十倍官軍雖關寧鐵騎至

見聞隨筆 卷上 五 臨海宋氏 重梓

無能爲也宜分兵各隨所向立效其利鈍舉聽之天衆曰善因列闕而定革左南當楚師橫混西迎秦軍曹過分屯漿汜間探中牟鄧尉以綴開歸河汝之兵獻聞專事東方破城下邑金帛子女惟均老猗猗九條龍爲遊徼往來策應恐西軍不敵益以射塌天改世王爲橫混後繼壬子殺牛馬祭天部署已定自成與迎祥獻忠等遂由固始夜薄霍邱破壽縣二州殺故兵部尚書張鶴鳴趨鳳陽越紫金城而入焚享殿闢高墻府衛各官死者四十一人軍四千餘獻忠先至得響手小關十二人每飲令奏樂自成欲得之獻忠不與固請乃毀樂器以

自成與亂世王左右合擊之官兵大敗文詔自刎死文詔萬年並敢闕而文詔尤為賊所憚一時諺曰軍中有一曹流氓聞之心膽搖至是敗沒官軍為之奪氣賊由耀州走朝邑折而北奔澄城郃陽承疇往復堵禦而後來朝尤世威之兵遇賊亦盡潰承疇益不振鄖治盧象昇改撫全楚旋晉五省總理奉命如秦寇盡入豫則承疇勦西北象昇勦東南如賊復入秦則象昇入關合討初初賊久伏商洛整齊王掃地王瑁子塊等復至共出關惟自成與迎祥獨留秦八月自成陷咸陽殺知縣趙勝昌張應昌左光先與戰斬四百餘級獲其軍師劉某自成遁涇陽官軍渡涇失利二十四日賊將高傑竊開成婦邢氏以降遊擊孫可法挾以破賊九月自成在乾州陣失其弟詭乞降于監軍趙劉三顧三顧知其詐不許真寧知縣王家永被殺見執十月左光先擊敗之于高陵富平間斬四百四十有奇迎祥自華陰南原絕大嶺夜出朱陽關自成亦東走左光先追之失利曹變賊陷堅力戰賊悉眾盡薄關鄉蓋秦賊至是凡三出未得惟自成最後別隊已下淮楚張獻忠尚在靈寶間迎自成復與之合左良玉祖寬東西禦之不能支十一月陝州陷復進攻雒救至獻忠走嵩汝迎祥自成走偃

自成與亂世王左右合擊之官兵大敗文詔自刎死文詔萬年並敢闕而文詔尤為賊所憚一時諺曰軍中有一曹流氓聞之心膽搖至是敗沒官軍為之奪氣賊由耀州走朝邑折而北奔澄城郃陽承疇往復堵禦而後來朝尤世威之兵遇賊亦盡潰承疇益不振鄖治盧象昇改撫全楚旋晉五省總理奉命如秦寇盡入豫則承疇勦西北象昇勦東南如賊復入秦則象昇入關合討初初賊久伏商洛整齊王掃地王瑁子塊等復至共出關惟自成與迎祥獨留秦八月自成陷咸陽殺知縣趙勝昌張應昌左光先與戰斬四百餘級獲其軍師劉某自成遁涇陽官軍渡涇失利二十四日賊將高傑竊開成婦邢氏以降遊擊孫可法挾以破賊九月自成在乾州陣失其弟詭乞降于監軍趙劉三顧三顧知其詐不許真寧知縣王家永被殺見執十月左光先擊敗之于高陵富平間斬四百四十有奇迎祥自華陰南原絕大嶺夜出朱陽關自成亦東走左光先追之失利曹變賊陷堅力戰賊悉眾盡薄關鄉蓋秦賊至是凡三出未得惟自成最後別隊已下淮楚張獻忠尚在靈寶間迎自成復與之合左良玉祖寬東西禦之不能支十一月陝州陷復進攻雒救至獻忠走嵩汝迎祥自成走偃

見聞隨筆

卷上

八

臨海朱氏

祖寬連敗獻忠于嵩獻忠憤甚復糾自成迎祥聲震
雅陽遇祖寬於龍門白沙寬力戰大克之象昇聞微親
率李重鎮等赴援連戰殺千餘人軍聲大振十二月迎
祥自成東陷光州之南城象昇次信陽復敗之于確山
斬五百六十餘級丙子正月自成攻廬州不克復陷
山和州進攻江浦知縣李維樾禦之自成攻滁州象
昇遣祖寬羅岱等疾馳大戰自日出至哺賊始北追殺
五里橫尸枕籍象昇自引楊世恩之兵大呼搏賊斬級
六百餘獲馬騾無算賊北走鳳陽礮卻之過河攻壽州
不克懷寧無城被殘濬撫朱大典以劉良佐苗有昇等
戰蒙城之陳搏橋所殺傷相當賊走毫入歸德承寧豫
撫陳必謙檄總兵祖大樂要之于穀熟集大破之賊走
汴梁陳永福兼程赴援二月賊攻密縣不利趨登封王
進忠周維塲敗之郛城鎮賊走石陽關與伊嵩之賊合
故總兵湯九州戰敗賊分趨南陽知府何騰蛟守城豫
撫陳必謙總理盧象昇各率陳祖羅諸鎮兵至大戰于
七頂山礮自成驚敗盡三月迎祥自成等從光化之
羊皮灘南渡入鄖襄其間內浙山中尚七營象昇留軍
搜討高迎祥西走興漢石泉由陳倉子午谷出窺西安
李自成偕混天星走南山分道險隘穿商雒間走慶陽

鄭寧

世宗案二

四月犯鞏昌北境左光先曹變蛟敗之

見聞隨筆

卷上

九

臨海朱氏

固原之木家營自成走慶陽環縣至延西敗官兵于
家山所收士馬器械無算遂從鄜州至綏德混天星
亦至謀於綏德渡河入晉不果五月延綏總兵俞冲霄
率兵迎擊於安定兵敗冲霄死自成勢益強洪承疇方
擊過天星等於中部破之賊西奔蘭河乞降於秦撫甘
學淵承疇以昇月出關與盧象昇會議承疇率祖寬李
重鎮二軍入關象昇分遣左良王陳永福祖大樂等各
守要隘防賊賊之留豫者爲老猗猗混十萬整齊王等
出犯浙川陳永福敗之七月象昇赴襄陽賊遂從浙川
走汝雅在秦撫賊過天星等亦復叛陷安定華亭甘學
淵罷孫傳庭代之是月二十日傳庭擊高迎祥于藍屋
之黑水谷生得迎祥及其黨黃龍劉哲等三人檻至京
師磔于市先是賊渠九十餘惟闖王爲最強廷論惟獲
闖餘賊不足平迨迎祥殲而自成已先破俞冲霄虎踞
延綏間鎮人歸之益衆遂代迎祥稱闖王焉九月
大清王師入關明懷宗召各督鎮赴援承疇象昇率總
兵祖寬李重鎮祖大樂等皆東回顧根本賊勢復熾老
猗猗等盤踞鄜州境上與混十萬整齊王張吳王掃地
王九背王興世王等分七營推老猗猗爲謀主而張獻

忠羅汝才闖塌天及新賊哈喇圖等續至合兵二十餘萬襄鎮秦翼明不能禦邱撫苗壯招之不應遂沿流東下江北諸郡無寧其在秦者混天星侵帙商雒獨行狼蟻動漢南蝎子塊糾連西羌而李自成與過天星出寇涇陽三原間駐兵涇河之濱者八閱月西安大震丁丑春蝎子塊復來會之曹變蛟至自成走秦川結營相持已而入華亭變蛟與左光先祖大弼等合兵攻之連戰七日殺傷相當糧盡官兵還平涼自成亦奔隴州蝎子塊爲曹變蛟所敗降于孫傳庭自成與過天星奔秦州九月復出至崇信亦敗十月陷寧羗知州周應

見聞隨筆

卷上

重梓
臨海朱氏

泰指揮同知王履泰死之賊遂由七盤關分道入蜀總兵侯良柱敗死于廣元昭化梓潼江油彰明及劍錦漢等三十六州縣俱陷圍成都二十日蜀撫王維章在保寧不能救被逮以傳宗龍代之先是督理既入援承疇尋復還督案中象昇改宣府以王家禎爲總理逾年罷名熊文選一兩廣代家禎專權楚豫諸賊秦賊之入蜀也議者歸咎於承疇已而承疇與秦撫孫傳庭擊賊于邵州間皆捷戊寅正月官軍破賊于梓潼賊分道還秦李自成等屯汧陽與曹變蛟左光先戰不利走徽州分兵出臨復爲祖大弼所敗南走廣元賀人龍率降賊

蝎子塊追之以六月至陽平關分駐嶺嶺扼賊西北去路曹變蛟渡河而邀其東自成由西鄉突出漢中越江將北孫傳庭左光先先駐漢中賊渡擊之賊渠祁總管等謀東奔不得遂降十月自成食且盡趨潼關傳庭于潼關原設伏曹變蛟驅賊入伏中亂相蹈藉官兵奮勇掩殺幾盡其幸免者咸棄刀與騎逃逸漢南山中又爲山民所遮擊秦賊降者前後數十萬委仗如邱陵自成妻女俱失以十八騎潰圍走十八騎者劉宗敏田見秀高一功顧君恩谷可成張世傑張勳李過李雙喜李彌昌任繼榮繼光王虎劉文魁等自成困厄數欲自盡

見聞隨筆

卷上

重梓
臨海朱氏

李雙喜勸止之相與竄山中爲小盜卡一月承疇傳庭復奉調與曹變蛟左光先等俱入援京師總理熊文燦主撫張獻忠羅汝才等俱降汝才卽十三家賊首所謂曹操者也自成伏山中夜輒讀書觀象曰過此六月之厄九五可期其所讀書稱爲異人所授以詫異其下諸殘賊聞而來附者復數千人自成留屯山中自與十八人間道走穀城就獻忠獻忠欲殺之自成覺而遁羅汝才爲之和解獻忠以婦人十馬廩各五十資自成自成辭已卯五月獻忠汝才俱復叛自成亦歸招集殘賊秦督鄭崇儉提兵圍之自成乘間出武關督師閣部楊嗣

昌以庚辰四月至夔陵聞而以檄諭之自成出謾語
惡時獻忠汝才前後爲左良玉賀人龍所敗餘賊多降
自成亦困于巴西魚復諸山其輜重在赤甲寒山不
能進憂其下有異心一日偕劉宗敏張鼐入道旁叢祠
中太息曰人言我有天下分若盍卜之于神吉卽從我
不則亟殺我以降宗敏本藍田鍛工多力爲盜魁故自
成以此試之宗敏曰諾再拜三卜之皆吉起而曰吾今
死生從若矣遂歸殺其兩妻諸賊亦有殺妻子願從者
自成于是燒屯聚携輕馬出奔河南河南久旱斛穀萬
錢杞縣舉人李巖者初名信尙書李精白子也常出家
見聞隨筆

卷上

三 臨海宋氏
重梓

粟千石賑荒人德之爭稱李公子因亂請督府用扞衛
鄉里權宜竊兵柄以報其所不平仇家緣他事文致爲
通賊令亦惡其市名得衆遂執而錮之獄民之德之者
曰李公子向活我今有急廼殺令破械出之往投自成
自成禮重之改名巖盧氏牛金星者亦舉人也以磨勘
被斥與其邑醫尚綱善綱先遊晉爲賊所得以善醫親
幸介金星以見自成自成與謀議帳中車優及女販者
亦盧氏人常在帳中供奉車優逃歸遇牛之叔具言金
星通賊狀亡何金星歸竊妻子宗人執首官以車優爲
徽坐斬後得減死論聞自成出河南謁見大喜初自成

無大志所至屠戮百姓保塢壁不肯從李巖教以取天
下宜拊循以收人心唱爲迎闖王不納糧之謠教兒童
傳歌之相鼓動而金星進所善卜者宋獻策身長三尺餘
上無記曰十八子主神器自成悅始過城不殺且以所
掠民多歸之是年十二月陷宜陽殺其令唐啟
泰後軍攻永寧永寧先有邑紳蜀撫張論子吏部郎鼎
延率家僮捍禦會獄徒勾賊以二十七日四鼓登城殺
知縣武大烈鼎延匿胥井免萬安王采鏗被殺于西關
勢遂猖獗攻偃師一日破之令徐日秦罵賊死辛巳正
月至洛陽豫鎮王紹禹者貪而失軍心聞賊近載重入
見聞隨筆

卷上

三 臨海宋氏
重梓

城復匿福王犒兵三千金不給兵益恨乘夜反招自成
入洛陽陷福王縋城走爲所得呂尚書維祺亦被執賊
欲跪之不屈伸脰就刃色不變福王亦不屈遇害自成
竊割之雜鹿醢以犒衆稱福祿酒云鄒妃世子得脫走
河北王固神宗愛子賜資優渥賊陷洛盡取其庫藏充
軍實頗發所餘併富人貲給飢者卽以掾吏邵時昌爲
僉事時昌等兵守洛而自移其軍攻汴豫撫李仙風慰
安福世子于河北孟縣聞自成已去率其將高謙入雒
誅邵時昌而汴梁之急撫軍顧不在周王出帑金五萬
犒上巡按御史高名衡推官黃河知縣王燮同設守賊

見聞隨筆

卷二

西

臨海宋氏
重梓

穴城將入守者投以火賊被焚而死積屍與城平七晝夜不能下始解而去過密縣屠之登封亦陷事聞懷宗震悼仙風坐落職隨錦衣逮治卽代以按臣高名衡并調保督楊文岳秦督丁啟膚援汴而楊嗣昌入蜀追勦張獻忠之師亦潰于關縣獻忠東襲襄陽破之殺襄王嗣昌自盡丁啟膚出關畏自成不敢赴汴聞張獻忠在光固請移軍當之五月十九日懷宗更出故大司馬傅宗龍于獄拜兵侍郎爲秦督專辦自成丁啟膚與左良玉大破張獻忠于信陽羅汝才與獻忠不合舍之去投自成于鄧州獻忠既敗鄧西前茅八哨之兵無所歸自見聞隨筆

見聞隨筆

卷上

五

臨海宋氏
重梓

諸將謀逆擊遲明飛騎報賊過且盡所留性嚴後一軍我師至孟家莊諸將解鞍休士不爲備賊匿精銳林莽間日旰出圍賀人龍之卒先奔李國奇初接戰不能敵亦奔偕虎大威陳監軍同往沈邱避賊而兩督自以親軍與賊相持傳營于西南楊營于東北二更保兵北隊走有張副將者挾文岳馬上馳去次日次陳州秦督慷慨謂部下曰宗龍當死矣矣今日陷賊中當與諸君并志決命不能效他人走也乃卽文岳所置壁重穿塹結壘誓必死自成見宗龍無救于圍外穿兩壕困之十一日糧盡殺馬十五日羸馬亦盡十六日二更開營突圍遂大潰宗龍以十九日未至項城八里被執賊說稱傅家將擁之趨城宗龍大呼曰此賊也身是傅督師不幸落賊手城上速用礮擊毋墮狡計賊刀砍傅右脇傷拱兩目削鼻礮聲起賊遞家人盧三負其屍入城乃絕李自成進攻葉縣陷之守葉副將劉國能卽降賊闔城天也力戰被執自成以舊好勸之降國能不屈被害自成圍左良玉于偃師聞秦撫汪喬年至襄城釋偃師之圍來戰初喬年之無秦也常被命發自成祖父塚自成破雒後聲勢日盛張或上書軍門言其先塚有異者喬年請發之米脂縣役詭孫姓實自成族令邊大受誦知之